



Waar liefde en verdraagsaamheid heers, daar vind 'n volk groot seën.



Die



Waar liefde en verdraagsaamheid heers, daar vind 'n Party geen wins.

Bodemloosheid van Min. Lawrence Se „Bewyse” aan Kaak Gestel Hofbevinding Waarop Hy Hom Beroep Net Die Teendeel van wat Hy Beweer

Op 1 April het mnr. H. G. Lawrence, Minister van Binnelandse Sake en verantwoordelike vir die interneringsbeleid, op 'n tussenwerpsel in die parlement of daar verband tussen die Stormjaers en die diefstal van openbare geld is, gesê dat daar in 'n geval soos die in Port Elizabeth DEFINITIEF BEWYS is dat dit die geval is.

„Die Ossewabrandwag se fondse het min geword en hulle het besluit om dit op dié manier aan te suiwer en hulle het die Stormjaers daarvoor gebruik.” Aldus die Minister wat luiks en regs laat interneer.

In die betrokke geval van Port Elizabeth waarna die Minister verwys, is in die hof beweer dat die geld ten behoewe van die Ossewabrandwag of die Stormjaers gesteel is. Die regter wat die saak verhoor het, en dus seker beter in staat was om te oordeel as die politikus Harry Lawrence, het egter in sy uitspraak verklaar dat hy daardie bewering nie glo nie. Volgens 'n Sapa-berig van 3 Desember 1942 het regter Landsdown, voor wie die saak gedien het, hom as volg uitgelaat:

„Daar is gesê dat die geld toevertrou sou word vir die dienste van 'n organisasie waartoe julle skynbaar behoort het. Ons weet niks van die organisasie nie, maar geen organisasie sal dit goedkeur dat 'n misdaad vir sy doeleindes begaan word nie.”

So lyk min. Lawrence se „definitiewe bewys”! Die hof het net die teendeel bewys van wat hy beweer, en tog gebruik die Minister hierdie soort „bewyse” as rede vir die internering van talle Afrikaners! Geen wonder dat hierdie Minister nie bereid is om persone wat hy internier in die openbaar aan te kla en te verhoor nie — soos dit in ander Geallieerde lande wel gedoen word. Sy agterdog, of losse bewerings, wat nie die ondersoek van 'n hof kan deurstaan nie, is vir hom genoegsame „bewys” dat mense skuldig is!

Op Sondag, 28 Maart, het 'n gewapende roof in Johannesburg plaasgevind toe ongeveer tien gemaskerde manne in militêre uniform 'n bedrag van £12,000 van twee klerke en 'n natuurlike afgeneem het. Die geld was die eiendom van die Suid-Afrikaanse Spoorweë. 'n Paar dae nadat 'n ernstige roof soos hierdie plaasgevind het, kom die Minister met hierdie growwe aanklag van hom. Niemand kan oordeel wie die skuldiges in hierdie roofgeval is voordat 'n hof nie die saak ondersoek het nie. Ons noem egter 'n paar feite as teenwig vir die Minister se onverantwoordelike aantygings.

Op 3 April is in die pers berig dat die polisie 'n kleurling aangehou het vir ondervraging in verband met die genoemde roof, en op 5 April is berig dat 'n soldaat in die magistratshof verskyn het vir voorlopige verhoor op aanklag van roof in verband met die diefstal van £12,000 op 28 Maart. Die verhoor is tot 12 April uitgestel. Later is berig dat die saak teen die soldaat teruggetrek is.

JEUGOFFERS

Joyce en Freda van der Merwe, 5 en 4 jaar onderskeidelik, van Carnarvon, het gesamentlik £1 ingebring uit sokkies wat hul moeder vir hulle gegee het.

VERGADERINGS DEUR STUDIE-LEIERS

'n Reeks belangrike vergaderings word in die eerstvolgende paar dae in Kaapland deur 'n paar van ons bekendste volksmanne en geleerdes in belang van die Ossewabrandwag gehou. Prof. L. J. du Plessis van Potchefstroom, hoofleier van die Ossewabrandwag se studie-afdeling en lid van die Grootraad, dr. P. J. Meyer van Johannesburg, lid van die Grootraad en gewese sekretaris van die F.A.K. en die Reddingsdaadbond, en prof. dr. G. Cronjé van Pretoria, sal vergaderings op onderstaande plekke en datums toespreek:

BURGERSDORP, Vrydag, 16 April, 8 nm. (prof. Du Plessis).

STEYNSBURG, Saterdag, 17 April, middag (prof. Du Plessis).

MIDDELBURG, 17 April, aand (prof. Du Plessis).

STELLENBOSCH (stadsaal), 20 April, aand (prof. Du Plessis en dr. Meyer).

KAAPSTAD (Hofmeyersaal), 21 April, 8 nm. (prof. Du Plessis en dr. Meyer).

PAARL (stadsaal), 22 April, 8 nm. (prof. Du Plessis en prof. Cronjé).

STUDIOLAERS VERGADER OP STELLENBOSCH

Beleid Uitgewerk met Groot Eenstemmigheid

Die studie-afdeling van die Ossewabrandwag onder leiding van prof. L. J. du Plessis vergader van 20 tot 22 April te Stellenbosch.

Dit is bykans 'n jaar dat hierdie afdeling aan die werk is om die toekomstige staatsbeleid uit te werk, en 'n reuse-taak is reeds deur hulle verrig. Verskillende aspekte van die volks- en staatslewe is aan afsonderlike studieleiers toevertrou wat die leiding en medewerking van ons land se bekendste geleerdes en volksmanne geniet. 'n Paar gesamentlike vergaderings is reeds gehou waar opspraakwekkende eenstemmigheid deur alle groepe bereik is. Studieleiers uit die Suide wat selfstandig aan 'n besondere aspek van ons volkslewe gearbei en 'n beleid neergelê het, het ondervind dat hul werk presies inpas by die van ander laers uit die Noorde. Groter bewys dat die beleid van die Ossewabrandwag uit die hart van die volk spruit en die goedkeuring van ons Calvinistiese voormanne geniet, is oorbodig — die meerderheid van die studie-leiers is naamlik ook alombekende Calvinistiese leiers. Prof. Du Plessis self is sekretaris van die Calvinistiese Bond.

Die Pensioen van Dr. van Rensburg

WIE DIT VIR HOM GEGEE HET

Party-agente het nou 'n volle twee jaar rondgeleef met die laster as sou genl. Smuts vir dr. Van Rensburg 'n pensioen gee. Honderde mense het hierdie laster net soos hulle ook ander soortgelyke laster geglo het en nog glo, ook oorvertel en Afrikaner teen Afrikaner hieroor opgesweep.

Geeneen van die verantwoordelike leiers van die H.N. Party het ooit hul agente bestraf nie. Hulle het dit toegelaat, waarskynlik goedkeurend. Wat is nou waar?

In 1938 — 'n jaar voor daar 'n O.B. was, is deur die Regering 'n wetsontwerp ingedien, nl. Die Pensioen-aanvullingswet 1938 waardeur voorsiening gemaak is om aan dr. J. F. J. van Rensburg, wat uit die staatsdiens oorgeplaas is na die betrekking van Administrateur van die O.V.S. 'n pensioen toegeken word.

Die rede vir hierdie wetgewing was nl. dat as hy as sekretaris van Justisie sou aanbly, en hy kon aangebly het as hy self so verkies het, hy op pensioen, soos enige ander amptenaar, geregtig sou wees. In sy geval vra die Regering hom destyds om na 'n nie-amptenaarsbetrekking oorgeplaas te word en vra die parlement om vir hom voorsiening te maak soos wat hy kragtens die landswet geregtig op sou wees as

K.G. OOR AANTYGING

Die Kommandant-generaal, dr. J. F. J. van Rensburg, het die volgende verklaring uitgereik in verband met min. Lawrence se aantygings:

„Mnr. Lawrence wat homself enige jare gelede met oortuigende sukses as Slamaaiër vermom het, het in die Volksraad beweer dat die O.B. se fondse laag is en dat ons derhalwe „die S.J.'s inspan om geld te roof.” „Die Transvaier” het hierdie roekelose bewering met vet letters gedruk.

Hierdie kombinasie van smaak en samewerking tussen die Empire-handlanger en H.N.P.-redakteur is iets wat ons, na lange kennis van albei, van elkeen van hulle verwag. Die bewering is sot en sonder enige regverdiging.”

hy aangebly het as staatsamptenaar. Hierdie wetsontwerp is toe ingedien en die parlement het daarvoor soos oor alle wetsontwerpe gestem. Kyk die Volksraadnotule van 20 September 1938.

Vir hierdie pensioen het die volgende Volksraadlede gestem. Ons druk in vet letters die name van die huidige Nasionaliste wat daarvoor gestem het, soos dit in genoemde notule verskyn, en vra nou: Is u nou oortuig van die growwe laster wat vir Party-doeleindes gedurende die afgelope twee jaar teen 'n Afrikaner lustig versprei is? Bestel vir u 'n Hansard (Volksraadnotule van 20 Sept. 1938 — dit kos net 1/-) en lees self.

Vir die pensioen het gestem:

Alexander M., Allen F. B., Badenhorst C. C. E., Bain-Marais C., Bekker S., Boltman F. A., Bosman P. J., Bowie J. A., Bowker T. B., Clark C. W., Conradie J. H., Conradie J. M.,

Conroy E. A., Deane W. A., De Bruyn D. A. S., De Kock A. S., De Wet H. C., De Wet J. C., Dolley G., Du Toit P. P., Erasmus F. C., Faure P. H. B., Fourie J. P., Geldenhuys C. H., Gilson L. D., Gluckman H., Grobler J. H., Havenga N. C., Haywood J. J., Henderson R. H., Heyns G. C. S., Hirsch J. C., Hofmeyr J. H., Johnson H. A., Jooste J. P., Joubert F. A., Kemp J. C. G., Kentridge M., Klopper L. B., Labuschagne J. S., Lawrence H. G., Liebenberg J. L. V., Long B. K., Louw E. H., Malan D. F., Moll A. M., Mushet J. W., Payn A. O. B., Raubenheimer I. v. W., Rooth E. A., Sauer P. O., Schoeman N. J., Smuts J. C., Steyn C. F., Steytler L. J., Strauss E. R., Strydom G. H. F., Stuitaford R., Sutter G. J., Swanepoel A. J., Trollip A. E., Van Coller C. M., Van der Merwe H., Van der Merwe N. J., Van der Merwe R. A. T., Van Zyl J. J. M., Venter J. H. P., Verster J. D. H., Viljoen D. T. du P., Viljoen J. H., Vosloo L. J., Wallach L., Warren S. E., Wilkens Jacob, Wilkens Jan, Wolfaard G. v. Z.

Daarheen het gestem: Acutt F. H., Christopher R. M., Goldberg A., Hooper E. C., Madeley W. B., Marwick J. S., Neate C., Shearver V. L.

Lede wie se name nie genoem word nie, was afwesig toe die stemming plaasgevind het.

BASAAR!!

DIE BELLVILLE VROUE-KOMMANDO HOU 'N BASAAR

in die

KERKSAAL, BELLVILLE,

op

Saterdag, 17 April 1943.

van 6 n.m. tot 8 n.m.

Vanaf 8 uur n.m. sal

VOLKSPELE

gespeel word.

Waarde vir geld



DIE O.B., WOENSDAG, 14 APR. 1943

Bomaanslae op Ons Regspleging

Die taak van die owerheid is om die belange van sy onderdane te behartig en te beskerm, d.w.s. toe te sien dat reg en geregtigheid geskied. Daarvoor word daar wette gemaak, daarvoor word daar 'n staatsdiens aangehou, daarvoor vind daar regspleging plaas en daarvoor word daar oorlog gevoer. Dit is die taak wat die owerheid opgelê is deur die Skepper, en daarom moet hy deur elke onderdane gehoorsaam word, want „hy is 'n dienaar jou ten goede”.

Die huidige regering voldoen in geen van hierdie vier opsigte aan die eis wat vir 'n owerheid gestel word nie. Die wetgewende liggaam word nog slegs byengeroep om geld te stem vir 'n Europese oorlog waarby die Afrikaanse volk geen belang het nie en in sover daar nog „wette” per noodregulasie gefabriseer word, is dit bereken op onderdrukking van die eie onderdane; die staatsdiens is volgens uitlatings van verantwoordelike ministers, feitlik niks anders meer as 'n stuk partymasjinerie wat die belange van die heersende party moet behartig nie; die oorlogvoering wat veronderstel was om in belang van die onderdane en geregtigheid te geskied, is die vrug van uitlandse sentiment wat die Afrikaanse onderdane opvorder om vir die behoud van sy veroweraar te gaan sterf; die regspleging van die land het onder hierdie bewind geword 'n bespotting van die elementêre gevoel van reg en onpartydigheid, en dit is by hierdie laaste aspek wat ons vandag wil stilstaan, omdat die onreg wat onder die skyn van reg gepleeg word, reeds ten hemel roep.

Drie Voovalle.

Ons vestig die aandag op 'n paar gebeurtenisse die afgelope dae. In die verslag van die Kommissaris van Polisie word verwys na die internering van negentien „Stormjaers” in verband met roof van dinamiet omdat „die getuies geweier het om te getuig”. Daar was, sover bekend, nooit 'n hofsak teen hierdie negentien jong manne nie. Wanneer en hoe die „getuies” geweier het om te getuig, weet die publiek dus nie. Vir sover ons weet kon dit sekere geheime informante van die Regering wees wat nie bereid is om hul inligting in 'n openbare hof te herhaal waar hulle onder kruisverhoor geneem kan word nie. In 'n land waar agterklapperij deur die staatsgeorganiseer word met die groots moontlike ledetal, soos in die Waarheidsleër, is dit vanselfsprekend dat daar dikwels „inligting” verstrekk sal word wat nie die toets van 'n ondervraging kan weerstaan nie. Hoeveel skinderbekke is nie al deur 'n hof of net die bedreiging van 'n hof tot skande gebring nie! En wanneer die Regering die hand van geheimhouding oor sulke flustersaars hou, hoe welig moet die agterklapperij nie tier nie! Minstens in die geval van die Arendts het die Minister erken dat valse inligting aan hom verstrekk was, en selfs toe is geen optrede in die openbaar teen die lasteraar gedoen nie.

In hierdie geval dus, is negentien manne geïnterneer omdat die Regering geen getuies teen hulle kon kry wat selfs voor 'n openbare hof vir toetsing GELË kon word nie.

In die tweede plaas verwys ons na die terugtrekking van 'n aanklag van hoogverraad teen 52 jong manne nadat hulle ses maande lank sonder verhoor opgesluit was en altesame vyftien maande in gevangenskap gehou is voordat die Prokureur-generaal geleentheid gekry het om vas te stel dat daar geen saak teen hulle is nie. Hulle is daarop geïnterneer.

En ten slotte verwys ons na die berig in hierdie blad waar min. Lawrence melding maak van 'n hofsak wat dan „definitief” sou bewys het dat die Stormjaerorganisasie openbare geld steel, terwyl die betrokke hof juis die teenoorgestelde bevind het!

Onskuldig.

Wat die Regering se interneringsbeleid betref, het ons herhaaldelik tevore

verklaar dat mense geïnterneer word omdat geen bewyse teen hulle gevind kan word nie. Daarom het die Regering nog steeds geweier om sy eie burgers wat hy interneer voor 'n openbare hof te laat verskyn soos in Amerika ten opsigte van Vyandsonderdane gedoen word. Hierdie bewering is in die afgelope tyd dubbel en dwars gestaan, want elke keer as 'n aangeklaagde deur 'n hof onskuldig bevind of die aanklag deur die Prokureur-generaal teruggetrek word, is die betrokke vrygesprektes deur die Minister van Binnelandse Sake voor die hof se deur onderskep en geïnterneer.

As verweer het die Minister onlangs in die parlement aangevoer dat sulke persone „tegnies” onskuldig, maar „prakties” wel skuldig is! Nou, 'n groter aanklag teen sy eie regsplegings het ons nog nie van 'n regering gehoor nie. Hierdie verklaring beteken een van twee: of ons geregshoue en regstelsel is so onbevoeg om die reg toe te pas dat dit tot niks anders as akademiese haarklowery ontaard het en daar gevolglik geen gewig meer aan enige hofuitspraak geheg kan word nie — en daarmee verval ons hele regstelsel — of die Minister van Binnelandse Sake met sy politieke handlangers het 'n veel beter metode uitgevind om iemand se skuld te bewys as totnogtoe in enige beskaafde land se regstelsel gebruik is! In Rusland is daar 'n besondere metode om iemand se skuld vas te stel, naamlik die metode van marteling deur die Bolsjewitiese geheime polisie. Of min. Lawrence en sy kollega, dr. Steyn, nog 'n beter metode as dit uitgevind het, weet ons nie, maar in elk geval moet dit 'n baie belangrike ontwikkeling of agteruitgang in die wêreld se regstelsel beteken.

Oorsaak van Geweld.

Maar hoe feilbaar hierdie stelsel (of die Minister?) moet wees, het min. Lawrence veertien dae gelede aan die lig gebring. Hy het beduie dat die Stormjaers en die Ossewabrandwag openbare geld steel en as bewys daarvoor na 'n hofsak in Port Elizabeth verwys, waar die regter in duidelike taal juis die uitgesproke vooroordele van min. Lawrence weerlê het! As al die Minister se bewyse van skuld so rotsvas moet wees as hierdie „bewys”, dan behoort dit vir die volk tans duidelik te wees waarom daar 'n toornemende mate van geweldpleging onder alle dele van die bevolking aan die gang is. Wanneer die owerheid nie meer sy eie onderdane beskerm en sy eie regspraak eerbiedig nie, is dit dan 'n wonder dat sy kommunisties-opgeklitte kleurling-trope hoop om hierdie voorbeeld strafloos na te volg op 'n manier soos hulle dit wil toepas?

En wanneer aan die een kant twee jong Afrikanerstudente ses maande op verhoor in die tronk moet sit en wag en dan nog geïnterneer word nadat hulle deur 'n spesiale hof onskuldig bevind is, maar aan die ander kant twee Britse soldate wat weens motordiefstal tot gevangenisstraf gevonnissen is, deur die Minister telegrafies op vrye voet gestel word; wanneer jong Afrikaner-seuns vir 'n jaar en meer in die tronk moet sit omdat geen aanklag teen hulle gevind kan word nie, maar aan die ander kant 'n natuurlike-kommunist deur die Minister persoonlik uit die hande van die gereg geruk word omdat daar dan twyfel bestaan of die aanklag teen hom sal slaag; en wanneer jong Afrikaners geïnterneer word omdat daar geen getuies gevind kan word om selfs 'n saak teen hulle te open nie, maar aan die ander kant kleurlingsordate wat uit hoofde van oorvloedige getuies tot tronkstraf veroordeel is weens aanranding op blanke konstabels, deur die Minister van hul wettige straf onthef word, is daar nog iemand wat verbaas is omdat daar 'n algemene minagting vir wet en gesag en 'n gevoel van opstand by 'n deel van die vertraptes ontstaan het?

Die Regering met sy kabinet van beroeps politici het die voorbeeld gestel van ongeëwenaarde geweldpleging aan reg en geregtigheid. En geweld roep geweld. As diegene wat belas is met die uitoefening van die reg hulle op so 'n aanstootlike wyse aan die reg vergryp, hoe kan verwag word dat die onderdane daardie reg sal eerbiedig? Die uittarting van owerheidsweë is daar en aan ministeriële voorbeelde (Vervolg in volgende kol.)

Brokkies uit die Buiteland

PROPAGANDA: GOED EN SLEG.

Daar is 'n Engelse versie wat min of meer as volg vertaal kan word:

My land, reg of verkeerd.

Hou reg wat reg is,

Maak reg wat verkeerd is.

In die tyd van oorlog veral is dit net die eerste reël wat deur die propagandis onthou word en nie wat daarop volg nie. „My land, reg of verkeerd” is dan ook die snaar waarop tot vervelens toe getokkel word. Dit is die *Leitmotiv* vir alle propaganda, onverskillig of dit deur die pers, oor die radio of op die doek geskied.

GOEIE PROPAGANDA

Maar selfs hierdie papagaaiagtige propaganda, gewoonlik die produk van algemene geestelike ontwrigting wat met 'n oorlog gepaard gaan, kan goed wees. As my land werklik in dodelike gevaar verkeer, dan altyd „my land reg of verkeerd.” Propaganda is 'n wapen en goed is die wapen as dit help om die oorlog te wen. Goed is dit wanneer dit daarin slaag om die eie moraal hoog te hou en dié van die vyand te ondergraaf. Goed is dit wanneer dit daarin slaag om die eie volk en die wêreld daar buite van die regverdigheid van die eie saak te oortuig en dié van die vyand as verwerplik en sleg voor te stel. Dit is nou eenmaal die taak van die oorlogspropaganda om die oorwinnings te vergroot en dié van die vyand te kleiner, om die nederlae te verkleiner en dié van die vyand te vergroot. My-land-reg-of-verkeerd-propaganda kan dus 'n belangrike bydrae tot die eindoorwinning lewer.

Die taak van die propaganda is egter nie altyd so eenvoudig nie. Dit gebeur soos dat die taal wat oorlogsfeite sreek harder en duideliker is as die taal van die propaganda. Dit kom voor dat die eie oorwinnings te negatief is om vergroot te word en dat die eie nederlae te positief is om kleiner te word. In hierdie geval moet van subtieler

(Vervolg van vorige kol.)

van geweldpleging ontbreek dit nie. Die uitslag van so 'n toestand van sake kan slegs één ding wees: anargie en groter geweld.

Vir hierdie geweldpleging in die land rus die verantwoordelikheid in die eerste plaas op diegene wat die wet kragteloos maak deur misbruik van hul politieke mag, en as 'n groot deel van die Afrikanervolk vandag nog berus en nie deelneem aan die algemene geweldpleging van bo en onder nie, moet dit nie verkeerdlik vertolk word as verdraagsaamheid nie. Dit is slegs nugterheid waarin die volk sy regeerders oortref! Die dag van afrekening sal aanbreek en wee hom deur wie die struikeling kom, en wee hom veral wat val in die hande van hulle aan wie die voorbeeld gestel is om reg en geregtigheid te vertrap!

metodes gebruik gemaak word. Daar word dan wel gepraat van sweet, tranen en bloed, van dodelike gevare en dies meer, maar terselfdertyd word daar ook gepraat van die silwer randjies aan die swart wolke, van die soet wat op die suur sal volg, van die eindoorwinning wat tog nie kan uitbly nie. Soms word die aandag van aaklige oorlogswerklikhede afgetrek en Utopiese toekomsbeelde voorgedra. Daar word dan veel gepraat oor ekonomiese, sosiale en politieke rekonstruksies wat op die eindoorwinning sal volg. Soms lyk dit selfs of 'n bloedige wêreldoorlog nou juis gelukkig 'n noodsaadlike voorwaarde vir 'n dergelike paradys is, of die oorlog iets is waarop die „hervormers” al die jare sit en wag het. Die subtielere van hierdie propaganda bestaan daarin dat 'n naoorlogse Utopië 'n eindoorwinning sugereer. Dit alles egter is goeie propaganda as die moraal op hierdie manier verhoog en die geloof in 'n eindoorwinning versterk kan word.

MINDER GOEIE PROPAGANDA

Minder goed is die propaganda waar dit in wensdenkerige besonderhede gaan. In die loop van die huidige oorlog het ons heelwat kennis met dergelike propaganda gemaak. Voortdurend is die een of ander land of stad genoem wat binne hierdie of daardie tydsbestek van die vyand gesuiwer sal word of waar die vyand sy kop sal stamp. In gewone omstandighede sou 'n mens boemerangagtige reaksies verwag het waar dergelike voorspellings nie bewaarheid is nie. Gewoonlik egter word die propagandis deur die kort geheue en wensdenkery van die algemene publiek gered. Ongelukkige voorspellings kan egter 'n nadelige ophopende uitwerking hê op die algemene moraal van die volk. Die vertroue van die publiek in sy oorlogsberigting kan geskok word. 'n Voorbeeld van dergelike propaganda is 'n rolprent waarop die slagskip „Prince of Wales” as simbool van Britse seemag voorgestel is en wat vertoon is na die ongelukkige skip reeds ondergegaan het. Goeie propaganda behoort versigtig te wees en oorwinningsvoorspellings nooit in besonderhede uit te werk nie.

SLEGTE PROPAGANDA

Daar is een soort propaganda wat sonder meer sleg is. Dit is wanneer daar in die hitte van die stryd breedvoerig uitgewei word oor hoe die vyand na die eindoorwinning gestraf sal word. In die jongste Amerikaanse toekomsdrome speel hierdie soort propaganda nogal 'n groot rol. Die vyand word haarfyn vertel hoe sy leiers gelikwedeer, sy volk ontwapen en gestraf sal word, hoe sy land opgedeel en beset sal word, hoe sy nywerhede beheer en sy jeug „opge- (Vervolg op bls. 3, kol. 1)

Sluit nader aan



BOERENDE BOERE EN STEDELIKE VERBRUIKERS SLUIT NADER BY MEKAAR AAN —

stuur u produkte en vee aan u eie bemerkingsorganisasie. Ons lewer reeds maandelank uitstaande dienste in hierdie nuwe gees . . . As u ons dienste eenmaal getoets het, sal ons u steun blywend verwerf.

VOLKSKOPER MARK BPK.

Môremerk Newtown
Foon 34-1442 JOHANNESBURG Woihuterst. 62

Transvaalse Vroue Trek Weer Laer

Met die oog op die groot welslae waarmee die vorige onderneming verlede jaar bekroon was, het die Transvaalse leiding besluit om van 7 tot 14 Mei vanjaar weer 'n groot laertrekking van vroue te hou op dieselfde terrein as verlede jaar, d.w.s. naby Roodepoort. In 'n omsendbrief doen die A.K.G., genl. J. D. Jerling, 'n beroep op soveel vroue as moontlik om die kamp by te woon.

Voorligting in verband met sake wat vroue-belange raak, sal deur bekwame persone verskaf word. O.a. sal daar lesings gehou word oor die volgende onderwerpe: Senuweesiektes (dr. V. Bühman), tuisverpleging van aansteeklike siektes (hoofkomde. P. Wassenaar), 'n gesonde voorgeboorte-lewe (dr. G. B. Büchner), postuur en die

verhouding tot gesondheid (dr. J. Anderson), dissipline (hoofkomde. A. Röschner). Verder sal dr. C. F. Krige en dr. Gerrie van der Merwe lesings hou, terwyl dr. P. Wassenaar 'n rolprentvertoning sal gee.

Genl. K. Malan hou die openingsrede, dienste word waargeneem deur hoofgenl. ds. S. J. Stander en genl. eerw. M. S. F. Grobler, terwyl die laer ook toegesprek sal word deur die Kommandant-generaal, A.K.G. Jerling en hoofgenl. Louis Bootha.

Die laerfooi is 7/6 plus nog 7/6 vir tentakkommodasie. Besoekers uit ander Provinsies is ook welkom. Alle aansoeke om die laertrekking by te woon, moet die Transvaalse hoofkwartier bereik voor 27 April.

VERJAARDAGKETING.

Die volgende makkertjies verjaar hierdie week:

15 April: Adelene Muriel Rosalind Louwrens (Hermanus); Saria Botha (George); Gideon D. Roos (Stellenbosch); Stefanus Jacobus van der Merwe (Beaufort-Wes); Marie Bester (Malmesbury); Albert Thomas Kitching (Port Elizabeth).

16 April: Carol Moolman (Cradock); Valerie Katerina van Rensburg (Port Elizabeth).

18 April: Marthinus Jacobus Wessel Prinsloo (Paul Roux).

19 April: Christie Botha (George); Johanna Schmidt (Pearston).

20 April: Bernard de Villiers (Vredehoek); Cornelia Gertruida du Plessis (Merweville).

21 April: Cora Theron (George); Hester Johanna Marais (Port Elizabeth).

OPBRENGSTE VERGELYK

In 'n brief waarin hy waardering uitspreek vir die ywer van die Brandwagte van Groblershoop op 26 Februarie, vergelyk hoofkomde. J. H. Gouws die opbrengste van tans met dié van funksies voor die skeuring. Hierdie keer het die funksie £44 opgebring, terwyl voor die skeuring die jaarlikse funksie £50 opgebring het. Die geruimte van vandag steek dus nie te sleg af by die liggaam van toe nie.


Die spesiale Noodhulpfondskollekte tydens die besoek van die K.G. en A.K.G. op Groblershoop en Grootdrink het £32-9-0 ingebring.

BROKKIES UIT DIE BUITELAND

(Vervolg van bls. 2)

voed" sal word, ens. ens. Afgesien daarvan of dergelike sothede slegs vir binnelandse konsumpsie bedoel is en of die algemene oorlogsposisie dergelike grootpraterigheid regverdig, is en bly dit slegte propaganda om 'n vyand met 'n wraakvrede te dreig. Begryp die mense in Washington en Londen dan nie dat hulle aan die vyandelike propaganda die beste dienste bewys nie? Besef hulle dan nie dat 'n vyand tot die laaste sal veg as daar vir hom 'n wraakvrede wag nie? Het die beroemde Engelse joernalis Liddle Hart nie gelyk nie as hy skryf: „Elke dreigement wat geuiter word oor wat ons aan die Duitsers sal doen as ons wen, is hulp vir Hitler?" Het die Geallieerde propaganda nie uit die oorlog van 1914—18 geleer nie dat dit nie die „hang-die-keiser"-kreet was nie maar die soetsappige veertien punte van 'n Wilson wat die vyand help vermurwe het?

„My land, reg of verkeerd" kan 'n stewige fondament vir goeie propaganda wees as die ander twee reëls ook in aanmerking geneem word. 'n Wraak-vrede wat in die vooruitsig gestel word, is egter 'n bate vir die vyand en die slegste propaganda waarmee 'n oorlog gewen kan word. Minder sothede en meer van 'n Liddle Hart se nugterheid is wat die Geallieerde propaganda broodnodig het. Of is hierdie wraak-vrede-propaganda 'n bewys van Geallieerde swakheid?



PLASE TE KOOP EN TE KOOP GEVRA

„A" wil sy plaas verkoop om elders 'n ander plaas te koop. Deur STEUNMEKAAR te vra om sy plaas te verkoop, ontvang hy vanself ons lyste met uitvoerige beskrywing van 'n groot verskeidenheid van plase wat ons het om te verkoop in alvier Provinsies, Rhodesië en Suidwes. 'n Seker plaas, nommer soveel op ons lyste, trek sy aandag as net die plaas wat hy soek. Baie moontlik tref dit dalk so dat „B," die eienaar van nommer soveel, nou juis net weer die soort plaas soek wat „A" te koop uitveel. Gevolg: deur STEUNMEKAAR as gerieflike skakel ruil hulle eenvoudig plase om, neem mekaar se verbande oor, die eienaar van die goedkoper plaas keer die verskil uit en twee kope is beklink met uitskakeling van 'n hele boel beslommernis. Probeer ons gerus, ons het baie sulke kope deurgesit. Boere, laat ons u plase vir u raak adverteer en vinnig verkoop. Plaaskopers, bestel ons lyste. Groot eerste-verhandlenings gereël op plase wat deur ons bemiddeling gekoop word. Ons het ook 'n groot aantal kliënte wat stadsieendomme in Pretoria wil verruil vir plase. STEUNMEKAAR, Malherbestraat 263, Pretoria.

116 Takke 44,000 Lede **AVBOB** Reserwefonds £113,000

Hoofkantoor:

St. Johnstraat 85, BLOEMFONTEIN
Begravnisse, Kiste, Krans, Grafstone

VOLKSKAS

GEE: 3½% Rente op Vaste Deposito's vir twee jaar.

3% Rente op Vaste Deposito's vir 12 maande.

2½% Rente op Beleggings-sertifikate — opvorderbaar met 3 maande kennisgewing.

2% Rente op Spaarrekeninge.

Volkskas (Koöp.) Bpk.

(Opgertig kragtens die Kooperatiewe Wet)

Hoofkantoor:

Volkskas-gebou, Sentraalstraat, PRETORIA.



Die Volk se Bank.

WOORDE EN DADE

„Ons veg nie teen die O.B. of die Nuwe Orde of die Afrikanerparty nie, maar ons veg teen Jan Smuts, want hy is aan bewind." Hierdie woorde is op 19 Maart in die Nasionale Saal op Tiervlei deur mnr. F. H. Boltman op 'n H.N.P.-vergadering gesê. Maar die saal waarin hy gepraat het is onlangs deur sy Party-gangers aldaar vir die Ossewabrandwag se volkspele gesluit. Hernaalde vertoë om die jong mense hierdie onskuldige vermaak te gun al behoort hulle aan die O.B., het totnogtoe nie geslaag nie — ook selfs nie ná die vergadering toe die O.B.-kommandant, mnr. J. A. Strauss, opnuut op grond van die versekering van mnr. Boltman daarvoor aansoek gaan doen het nie.

52 BEDANK AS GEVOLG VAN WEIERING

'n Lys met 52 name vergesel van hul H.N.P.-lidmaatskapkaartjies is deur mnr. J. J. Bruwer van Wilgenhoutsdelf (oor Upington) aan die O.B. gestuur van mense wat die party vaarwel sê. As rede vir die stap word aangegee die feit dat die H.N.P.-leiers geen volkseenheid verlang nie deurdat hulle weier om die voorstel van die Kommandant-generaal tot samewerking in 'n moontlike verkiesing te aanvaar.

Ten spyte

van omstandighede, kry u nog steeds 'n besondere deftige verskeidenheid

Damesuitrusting

by

Steyns

PAROW

DIE MODERNE DAMES-MODISTE

L.W. — Ons is elke Woensdag toe.

MARKAGENTSAP

Vroeë More-Mark

KAAPSTAD

BETALING GESKIED ONMIDDELIK, WEEKLIKS, MAANDELIKS OF SOOS VERLANG.

BESTE HEERSENDE PRYSE.

MINNAAR & VAN SCHOOR

Blisaar: GUSTAV KETTER.

Telefoon 9-0314.

Voeg **DIE DAAD**
by **DIE WOORD**
Rook



MEUBELS

PRYSE STYGO VINNIG.

KOOP NOU!

ONS HOU ALLEENLIK GOEIE KWALITEIT MEUBELS IN VOORRAAD.

Werda Meubelhandelaars

(Eiendoms.) Beperk,

Groote Kerkgebou, KAAPSTAD.

Posbus 210.

Foon 2-8830.

Ondersteun Ons Adverteerders!

BRANDWAGTE AANDAG!!

LEES HIER!

HOOFKWARTIER, KAAPSTAD, het nog baie BROSJURES:

(1) „DIE OSSEWABRANDWAG VANWAAR EN WAARHEEN," en (2) „GESONDE HUISGESINNE BOU 'N LEWENSKRAGTIGE VOLK," tot beskikking van die O.B. in KAAPLAND.


U kan DIT GRATIS KRY om onder u vriende te versprei. Stuur net posseëls vir die posgeld, nl. 8d. vir 6, en 1/3 vir 12 eksemplare te dek.

LEES EN OORTUIG U VOLKSGENOTE.

VAN ZYL, BOSMAN EN VAN ZYL

(EDMS.) BPK.

Kerksaal-Gebou .: Voortrekkerweg



MAITLAND



Boere!!

Eindelik die oplossing om stabiele pryse te kry:

Stuur u vee aan ons---die firma wat alleen per graad en gewig daeliks bemark.

Skrif vir besonderhede en permitte.

Posbus 22.

Foon 5-2370.

Telegramme: GEWIG.

MAITLAND.

BRIEF AAN SOLDATE

Volgens 'n berig in die Rand Daily Mail van 29 Maart sirkuleer daar op die oomblik 'n brief onder die soldate van die Eerste Divisie waarin hulle afgeraai word om die blou eed af te lê. Die brief is onderteken deur iemand wat homself „Springbok” noem. Daar-in skel hy op die Imperiale troepe en Britse Lugmag-personeel wat volgens sy mening 'n aangename verblyf in die Unie het onderwyl Suid-Afrikaners in die noorde veg. Volgens die koerant eis „Springbok” dat die Suid-Afrikaanse troepe in die land gehou moet word, en raai hy soldate aan om nie die nuwe eed te neem nie. Die blad beweer dat hierdie brief in die smaak van Duitsland sal val.

O.B.-NOODHULPFONDS

Onderstaande staat van inkomste en uitgawe tot 28 Februarie 1943 word deur die sekretaris van die Sentrale O.B.-Noodhulpfonds verstrekt:—

Inkomste:

Reeds erken	£19,431	0	0
Januarie 1943	2,314	1	1
Februarie 1943	2,084	1	11
	£23,829	3	0
Uitgawe	22,915	4	2
	£913	18	10

O.B.-NOODHULPFONDS

Die volgende verdere bydrae tot ons fonds vir hulpverlening aan die afhanklikes van geïnterneerde Afrikaners is aan Die O.B. bekend gemaak:

KAAPLAND TOT 5 APRIL.

	£	s.	d.
Reeds erken	5,799	6	11
Vryheidsdag kol. Velddrift—			
Aurora Kom.	11	3	0
Mnr. F. J. Strauss, Straussburg	2	1	0
Maandelikse Offergeld Vroue—			
Kom. Paarl	3	0	0
Lyste 597 en 600 Parow Kom.	3	13	6
Kom.	3	13	6
Komdt. en Komdtc. Geldenhuys			
Parow	2	0	0
Moorreesburg Manne-Kom.	65	11	9
Vriendekring Karreedouw			18
Vryheidsdag Kol. Touwsrivier	4	9	0
Manne- en Vroue-Kom. Marchand	5	0	0
Vryheidsdag Kol. Outeniqualand			
Komds.	3	7	4
Queenstown Manne-Kom.	8	10	0
Vryheidsdag Kol. Kelmoo Kom.	20	0	0
Vryheidsdag Kol. Uniondale Kom.	3	5	2
Offergeld Februarie M.- en V.-			
Komds. Stellenbosch	12	14	9
Mnr. D. J. van Zyl, Liebedal			
oor Klaver	5	0	0
Mnr. D. J. Bezuidenhout,			
Paauwpan	10	0	0
Kol. Lyste Worcester	16	10	0
Graaff-Reinnet M.- en V.-Kom.	65	0	0
Kaapstadse Remskoens Toneel-			
vereniging	14	2	9
Vryheidsdag Kol. Tulbagh Kom.	10	4	0
Vryheidsdag Kol. Carnarvon Kom.	6	10	0
Vriend Mowbray	1	0	0
Mev. Gnie. du Toit Kaapstad	15	0	0
Merweville Vroue-Kommando	4	1	1
Kol. Veldkorneskamp Mosselbaai	15	2	6
Opbrengs Vriendeskop Sentrum			
Stellenbosch Maartmaand	12	14	4
Weeklikse Bydrae Veldskoening			
Oudtshoorn	1	17	6
Kollekte Lys Graaff Water	2	0	0
Vryheidsdag Kol. Asst.			
Veldskap. Venterstad	11	3	0
Vryheidsdag-Kol. Wolsley Kom.	34	0	0
Vryheidsdag Kol. Ladismith K.P.			
Kom.	13	0	0
Vryheidsdag Kol. Colesberg Kom.	2	5	3
Vryheidsdag Kol. Veldtskap.			
Van Wyksdorp	4	5	0
Vriend Dagbreek Stellenbosch	15	0	0
Offergerld Karoobossies Kaapstad	2	5	0
Steunmekaar, Kaapstad	3	18	4
Vryheidsdag Kol. Ceres-Gydo			
Kommando's	27	11	5
Penkop Kol. Vryheidsdag,			
Fraserburg	2	7	0
Mnr. S. W. P. Burger, Fraserburg	1	0	0
	£7,221	18	1

BYDRAES TOT AANBOD H/GENL. SCHOEMAN.

	£	s.	d.
Reeds erken	1,341	19	2
Spesiale Bydrae Wes-Gamka Kom.	21	0	0
Spesiale Bydrae Carnarvon Kom.	20	0	0
Spesiale Bydrae Middelrug			
en Knysna Kom.	20	0	0
	£1,402	19	2

TRANSVAAL TOT 27 MAART.

	£	s.	d.
Reeds erken	16,474	17	8
Kwit. Nos.:	1	5	0
2323 V.A.R.	12	10	0
2324 1A4	12	10	0
2324 1A3	14	0	0
2325 15	3	11	3
2326 1C3	4	18	0
2327 1C6	8	0	6
2328 11C1	8	5	3
2329 11C3	8	5	3
2330 11C6	7	11	0
2331 7A1			
	£16,624	4	10

Geïnterneer na Meer as 'n Jaar se Opsluiting

Die S.J.-offisiere teen wie die saak van hoogverraad enige dae gelede teruggetrek is nadat hulle vir langer as 'n jaar in die tronk aangehou was, is nou geïnterneer op Koffiefontein.

Geklassifiseerde Advertensies

DOODBERIG

HATTINGH. — Sag ontslape aan sy woning te Oudtshoorn op 18 Feb. 1943, oom Jan Hattingsh, in die ouderdom van 63 jaar. Oom Jan kom vroeër van Edenburg distrik en laat 'n weduwee na om sy heengaan te betreur.

IN MEMORIAM

DE VILLIERS: Hiermee lê ons 'n kranstic van innige verlange op die graf van ons Pappie en Oupa wat van ons weggegaan is op 19 April 1942. — Pierre, Hettie en seuntjies, Wellington.

AANDAG !!!

Vir die beste resultate stuur u pluimvee en droë bone na die gevestigde firma, Eikentof Markagenskap, Moremark, Newtown. Ons voorsien ook vrugte en groente teen laagste pryse. K.B.A. Wolluterstraat 68, Newtown, Johannesburg.

BENODIG

ONDERWYSERES vir 3 kinders, I, II, III, Goewernementstelsel. Salaris £7 per kwartaal. Vry inwoning. Begin 27 April. Rig aplikasies aan: A. Prinsloo, Dresden, Paul Roux.

GEVRA

VRIENDELIKE Afrikaner-dame van omtrent 25 jaar, om behulpsaam te wees met algemene huiswerk in 'n Klein huisgesin. 'n Gekleurde is in diens. Salaris £3 per maand. Resente getuigskrifte van ondervinding is wenslik. Meld wanneer dienste aanvaar kan word. Appliseer by mev. M. Smuts, Middagkrans, Franschhoek, Kaapland.

TE KOOP

LEKKER Boer-pampoene gelever op Toverwater Sylyn, teen 7/6 per streepsak vol. Ook Kromnek Salonne teen 10/-. Regstreeks van die Boer. Nico Barnardt, Toverwater, pos. Uniondaleweg.

KAROO KRAALMIS. — Vry gelever in Natal stasies; 32/- per ton van 12 sakke. Monsters kan op aanvraag gestuur word. K.M.B. Skryf aan: C. J. Lourens, Kerkplein, Prieska.

PATRONE vir Kinderspeelgoed, 6d. stuk, 6 vir 2/6. Lap en Beerpop 1/- stuk. Klaar Lap en Beerpop 10/-. Ander speelgoed 3/- elk. Sluit 3d. posgeld in. — Mev. C. M. v. d. Walt, St. Johnstraat 168, Bloemfontein.

KAROO BOK-KRAALMIS

BESTE gehalte Kraalmis, fyn gemaal en geskik vir die gebruik in Kunsstoele, 32/6 per ton van 12 sakke, 35/6 per ton van 12 nuwe sakke, K.M.B., vry gelever Uniestasies. Plaas bestellings vroegtydig. My Bank: Volkskas, Port Elizabeth. J. A. Schoeman, P.S. Grootfontein, Somerset-Oos.

RAMME

Opreggeteelde Wanganella Ramme teen baie redelike pryse. Kuddes Ramme £3-10-0 tot £10. Stoet Ramme £12-10-0 en hoër. Groot karkasse met uitstekende kwaliteit en lengte die kenmerke. Skrywe aan: J. H. MOOLMAN, Merino, P.S. Cradock, Foon 712.

DE KOCK se GARAGES

Voortrekkerstraat, Middelburg, Transvaal. **Herefordstraat, Groblersdal, Transvaal.**
Eienaar: **D. D. DE KOCK**
Agente vir Pontiac en G.M. Vragmotors

TOT U DIENS!

V.M.K. AANBEVEEL.

(Vervolg van vorige kol.)

2332 7A4	7	11	0
2333 3	1	4	6
2334 SB5	25	0	9
2335 2A4	2	5	0
2336 2A4 Spesiale Kollekte			
Schoemansfonds	2	12	6
2337 Bydrae	3	13	0
2338 1B4	1	0	0
2339 1B4	2	19	0
2340 9C3	2	14	0
2342 7B3	9	11	2
2343 2A3	10	0	0

Schoemanello Drank
VIR KWALITEIT EN TEVREDENHEID DIE GOEDKOOPSTE

	PER BOTTEL.—As u van 1 tot 5 bottels neem in seunigde kassie van 12 bottels.	PER BOTTEL.—Om van 6 tot 12 van een soort te neem in kassie van 12 bottels.	PER GELLING.—In 5-gel. vaatjies of meer.
WYNE:			
Fonkelwyn	5/-	5/-	—
Lewenswyn	3/6	3/6	—
Vermouth	2/6	2/6	—
Hanekraai- Cocktail	3/6	3/-	—
Likeurwyn	2/-	1/8	8/6
Ou Port	2/-	1/8	8/6
Jeripigo Rooi	1/3	1/2	6/-
Jeripigo, Wit	1/3	1/2	6/-
Soet Muskadel	1/2	1/1	5/6
Port	1/2	1/1	5/6
Worcester Hock	1/1	1/-	5/-
Pontak	1/1	1/-	5/-
Spesiale Sjerrie	1/-	11d.	4/9
Sjerrie	11d.	10d.	4/3
BRANDEWYNE:			
Schoemanello	7/6	6/6	36/-
Ekstra Spesiaal	7/-	6/3	34/-
Brandewyn, F.C.	6/6	6/-	33/-
JENEVER	7/6	6/6	—
LIKEURS:			
Kersie-Brandewyn	6/6	5/6	31/-
Anys-Brandewyn	6/6	5/6	31/-
Gemmer- Brandewyn	6/6	5/6	31/-
Lemoen- Brandewyn	6/6	5/6	31/-
Peperment-Likeur	6/6	5/6	31/-
Van der Hum	6/6	5/6	31/-
JENEWER LIQEURS:			
Lemoen-Jenever	7/6	6/6	—
Suurlemoen- Jenever	7/6	6/6	—

Voeg by 5/- vir kassie en bottels, en 12/6 vir vaatjies wat vergoed sal word by terugsending. Ons lewer drank in ons inhouers solank ons voorrade van inhouers het, en alleenlik op voorwaarde dat die inhouers blame sestig dae aan ons terug besorg word. Weens bottel skaarste kan ons alleenlik in ons eie bottels, kassies drank verpak, waar sulke drank 'n minimum prys van £1-5-0 beloop (5/- vir inhouers ingestuit). Indien goedkoper kassies verlang word moet u u eie inhouers aan ons stuur.

Word verkoop in 12-bottel-kassies of 5-gellingvaatjies of groter. U kassies van 12 bottels kan Wyn, Brandewyn, Jenever, Likeur, Vermouth en Hanekraai bevat. Terme: — K.M.B. plus treingeld na sylyn, K.B.A. plus treinkommissie. V.O.S. OUDTSHOORN.

Bestel van **JURGENS SCHOEMAN**
bus 142. Oudtshoorn.

BELE U GELD
waar dit van **3½% tot 5%** rente kan verdien.
Raadpleeg dadelik u **EIE VOLKSBANK**
SPOORBONDKAS BEPERK
Posbus 8289, Johannesburg.
Takke oor die hele Unie.

HERHOLDT SE BOOMKWEKERIE
Posbus 660 — Johannesburg

GENIET u eie vrugte. Pluk dit van Herholdt se beroemde **VRUGTEBOME**; vroeg en laat soorte. Beantwoord in alle dele van die UNIE sowel as elders. Sierbome, Struik, Rose, ens. Bestel nou en voorkom teleurstelling!! Katalogus gratis.

Vir 'n Suksesvolle Loopbaan

Studie met behulp van die beproefde lesings van die Helpmekaar Korrespondensie Kollege is die beste en goedkoopste manier om u sukses in die lewe te verseker.

MEER AS 200 KURSUSSE

Die Helpmekaar is die enigste suiwer opvoedkundige Afrikaanse Korrespondensie Kollege in Suid-Afrika.

Reeds meer as 16,000 Studente het met behulp van ons lesings sukses behaal. Ook U kan dit doen.

Pos die Koepon nog vandag .. vir gratis besonderhede

Die Besturende Direkteur, Helpmekaar Korrespondensie Kollege, Postbus 3512, Voortrekkergebou, JOHANNESBURG.

Stuur my asselief besonderhede omtrent u korrespondensie Kursusse.

Ek stel belang in

Naam

Adres

(O.B. 7 April 1943)

Besturende Direkteur: Dr. H. G. Luttig, M.A. (S.-A.), D.Litt. et Phil. (Leiden). Medo-Direkteur: J. H. Grajbe (voors.), E. N. van Vuuren, P. Joubert, P. J. v. E. Hattingsh, A. C. v. W. Stroh.

Helpmekaar

KORRESPONDENSIE KOLLEGE

Voortrekkergebou 310, Hoekstraat 18,

JOHANNESBURG

Posbus 3512 Foon 22-3512

Maak Kennis met die Nuwe Volkspele
Opgestel deur Hester Morrison (MEV. W. VAN HUYSSSTEEN)
Met Musiek en Liedjies (grondgedigte) deur **M. L. de Villiers**
Komponis van „Die Stem van Suid-Afrika.”
Hierdie Nuwe Volkpele is met groot sukses uitgevoer by geleentheid van die onlangse Volkspelkursus te Stellenbosch en die Oos-Kaaplandse kursus te Aliwal Noord.
Prys 4/3 posvry
Bestel by die uitgewers, **PRO ECCLESIA-DRUKKERY** Postbus 28, Stellenbosch of by u Boekhandelaar.
Uitgegee deur Voorslag (Edms.) Bepker, Kamer 916, Groote Kerkgebou, Adderleystraat, Kaapstad, en gedruk deur Pro Ecclesia-Drukkery, Die Laan, Stellenbosch.